
Na osnovu člana 17. stav 2. i člana 72. Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 4. sjednici održanoj 21. marta 2012. godine, donijelo je

**PRAVILNIK
O TRŽIŠNIM STANDARDIMA ZA KONZERVIRANU
TUNU I PALAMIDU**

DIO PRVI - OPĆE ODREDBE

Član 1.
(Predmet)

Pravilnikom o tržišnim standardima za konzerviranu tunu i palamidu (u daljnjem tekstu: Pravilnik) propisuju se zahtjevi kvaliteta koje u proizvodnji i pri stavljanju na tržište moraju zadovoljavati proizvodi od tune i palamide.

Član 2.
(Označavanje)

Na označavanje proizvoda iz člana 1. ovog pravilnika primjenjuju se odredbe Pravilnika o općem deklariranju ili označavanju upakirane hrane ("Službeni glasnik BiH", broj 87/08), te odredbe ovog pravilnika koje se odnose na označavanje.

DIO DRUGI - POSEBNE ODREDBE

Član 3.
(Sastojak konzervirane ribe)

- (1) Odredbe o označavanju iz člana 2. ovog pravilnika odnose se na:
 - a) konzerviranu tunu određenu u okviru tarifnih brojeva 1604 14 11 00, 1604 14 16 00, 1604 14 18 00 i 1604 20 70 00, prema važećoj carinskoj tarifi u Bosni i Hercegovini, proizvedenu isključivo od vrsta ribe iz tačke I. Aneksa koji je sastavni dio ovog pravilnika;
 - b) konzerviranu palamidu određenu u okviru tarifnih brojeva 1604 14 90 00 i 1604 20 50 00, prema važećoj carinskoj tarifi u Bosni i Hercegovini, proizvedenu isključivo od vrsta ribe iz tačke II. Aneksa ovog pravilnika.
- (2) Različite vrste ribe ne smiju biti pomiješane u istoj ambalaži.
- (3) Izuzetno od stava (2) ovog člana, drugi proizvodi od tune i palamide koji nisu definirani stavom (1) ovog člana, a kod

kjih je mišićna struktura razgrađena, smiju sadržavati i druge vrste riba koje su prošle isti postupak proizvodnje, pod uslovom da se najmanje 25% neto količine sastoji od tune ili palamide ili obje vrste.

Član 4.

(Način obrade ribe)

- (1) Ako se, uz podatke propisane članom 2. ovog pravilnika, u nazivu hrane navodi način obrade ribe, on mora odgovarati sljedećim definicijama:
 - a) u komadu: poprečno izrezano mišićje u obliku cijelog odreska koji se sastoji od jednog dijela ili više kompaktno združenih dijelova ribe. Dozvoljeno je prisustvo komadića u količini ne većoj od 18% mase ribe. Međutim, kad se mišićno tkivo konzervira sirovo, nije dozvoljeno prisustvo komadića: mogu se dodavati komadi mesa radi postizanja određene mase.
 - b) komadići: dijelovi ribe s sačuvanom izvornom mišićnom strukturom čija najkraća strana nije manja od 1,2 cm. Dozvoljeno je prisustvo komadića u količini ne većoj od 30% mase ribe.
 - c) fileti:
 - 1) uzdužne trake mišića uzete iz mišićnog tkiva paralelnog kičmenom stubu,
 - 2) mišićje iz potrbušnice (pri označavanju se mogu navesti kao fileti potrbušnice).
 - d) mrvice: dijelovi ribe sa sačuvanom mišićnom strukturom, različitih veličina.
 - e) usitnjena tuna: odvojeni komadići ribe jednake veličine koji nisu u obliku namaza.
- (2) Uz načine obrade ribe navedene u stavu (1) ovog člana, dozvoljene su i drugačiji načini obrade i pripreme ribe, uz uslov da su jasno navedeni u nazivu proizvoda.

Član 5.

(Sredstvo za preljev)

- (1) Ako je podatak o upotrijebljenom sredstvu za preljev dio naziva proizvoda, navodi se:
 - a) "u maslinovom ulju" za proizvode koji sadrže samo maslinovo ulje, bez miješanja s drugim uljima.
 - b) "u vlastitom soku" za proizvode u vlastitom soku (tekućina izlučena iz riba tokom kuhanja), rastvoru soli ili vodi eventualno uz dodatak bilja, začina ili prirodnih aroma, koje moraju zadovoljavati odredbe posebnih propisa o aromama.
 - c) "u biljnom ulju" za proizvode u rafiniranom ulju od jedne biljne vrste ili mješavine više biljnih vrsta.
- (2) Kad je korišteno neko drugo sredstvo za preljev, ono mora biti jasno i izričito označeno svojim uobičajenim nazivom.

Član 6.

(Dodatno označavanje)

- (1) Ne dovodeći u pitanje odredbe Pravilnika o općem deklariranju ili označavanju upakirane hrane pri označavanju pretpakovina tune i palamide, potrebno je navesti i sljedeće podatke:
 - a) U slučaju označavanja iz člana 4. stav (1) ovog pravilnika:
 - 1) vrstu ribe (tuna ili palamida),
 - 2) način obrade ribe u skladu s članom 4. stav (1) ovog pravilnika, osim načina obrade ribe iz člana 4. stav (1) tačka a) ovog pravilnika gdje to nije obavezno,
 - 3) opis korištenog sredstva za preljev, u skladu s članom 5. ovog pravilnika.
 - b) U slučaju označavanja iz člana 4. stav (2) ovog pravilnika:

1) vrstu ribe (tuna ili palamida)

2) opis proizvoda.

- (2) U nazivu proizvoda od tune ili palamide iz člana 3. stav (1) ovog pravilnika, nije dopušteno istovremeno koristiti riječi: "tuna" i "palamida".
- (3) Ne dovodeći u pitanje odredbe člana 3. ovog pravilnika i stava (2) ovog člana, upotrijebljena riba (tuna ili palamida) kao i vrsta ribe iz Aneksa, koji je sastavni dio ovog pravilnika, može se navesti u nazivu proizvoda ako se koristi uobičajeni naziv pod kojim se hrana stavlja na tržište.
- (4) Navod "u vlastitom soku" može se koristiti samo za konzervirane proizvode u slučaju iz člana 4. stav (1) tač. a), b) i c) ovog pravilnika i pri upotrebi preljeva iz člana 5. stav (1) tačka b) ovog pravilnika.

(Član 7.)

(Količina ribe)

Ne dovodeći u pitanje odredbe Pravilnika iz člana 2. ovog pravilnika, omjer između količine ribe u ambalaži nakon sterilizacije i netokoličine izražene u gramima mora biti najmanje:

a) U slučaju iz člana 4. stav (1) ovog pravilnika:

1) 70% pri upotrebi vlastitog soka,

2) 65% pri upotrebi drugih sredstava za preljev.

b) U slučaju iz člana 4. stav (2) ovog pravilnika, 25%.

(Član 8.)

(Primjena)

Odredbe ovog pravilnika primjenjuju se ne dovodeći u pitanje odredbe posebnih propisa o higijeni hrane životinjskog porijekla.

DIO TREĆI - ZAVRŠNE ODREDBE

Član 9.

(Službena kontrola i inspekcijски nadzor)

Službena kontrola i inspekcijски nadzor provodit će se u skladu s važećim zakonskim propisima.

Član 10.

(Prestanak važenja odredbi)

- (1) Danom stupanja na snagu ovog pravilnika prestaju važiti odredbe Pravilnika o kvalitetu riba, rakova, školjki, morskih ježeva, žaba, kornjača, puževa i njihovih proizvoda ("Službeni list SFRJ", broj 65/79 i "Službeni list R BiH", broj 2/92) u dijelu koji se odnosi na proizvode od tune i palamide.
- (2) Proizvodi proizvedeni i označeni prema odredbama Pravilnika iz stava (1) ovog člana koji se odnose na proizvode od tune i palamide mogu se stavlјati na tržište najkasnije 12 mjeseci nakon stupanja na snagu ovog pravilnika i nalaziti se na tržištu do isteka roka trajanja.

Član 11.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 127/12
21. marta 2012. godine
Sarajevo

Predsjedavajući
Vijeća ministara BiH
Vjekoslav Bevanda, s. r.

ANEKS

VRSTE TUNE I PALAMIDE IZ ČLANA 3. OVOG PRAVILNIKA

I. TUNA

1. Vrste roda Thunnus
 - a) Albakora ili dugoperajna tuna (Thunnus alalunga),
 - b) Žutoperajna tuna (Thunnus (neothunnus) albacares),

- c) Plavoperajna tuna (*Thunnus thynnus*),
 - d) Velikooka tuna (*Thunnus (parathunnus) obesus*),
 - e) druge vrste roda *Thunnus*.
2. Trup prugavac (*Euthynnus (Katsuwonus) pelamis*).

II. PALAMIDA

1. Vrste roda *Sarda*
- a) Atlantska palamida (*Sarda sarda*)
 - b) Pacifička palamida (*Sarda chiliensis*)
 - c) Orijentalna palamida (*Sarda orientalis*)
 - d) druge vrste roda *Sarda*.
2. Vrste roda *Euthynnus*, osim vrste *Euthynnus (Katsuwonus) pelamis*
- a) Atlantska mala tuna (*Euthynnus alleteratus*)
 - b) Istočni mala tuna (*Euthynnus affinis*)
 - c) Crni trup prugavac (*Euthynnus lineatus*)
 - d) druge vrste roda *Euthynnus*.
3. Vrste roda *Auxis*
- a) Fregatni trupec *Auxis thazard*
 - b) *Auxis Rochei*.